



Broj/Број:04/5-50-134-4/11
Sarajevo/Сарајево, 18.1.2012.

I n f o r m а c и j а

sa 78. Rose-Roth seminaru Parlamentarne skupštine NATO-a,
održanog u Londonu, od 21. do 22.11.2011.

Na 78. Rose-Roth seminaru učestvovali su: Milorad Živković, predsjedavajući Delegacije Parlamentarne skupštine BiH u Parlamentarnoj skupštini NATO-a, i Asim Sarajlić, član Delegacije.

Seminar „**Afganistan – put kroz tranziciju 2011.-2014.**“ održan je kroz šest sesija:

- Afganistan 2011-2014. Naučene lekcije i put naprijed,
- Sigurnost: Kako osmisliti aktivnosti u procesu tranzicije,
- Regionalna dimenzija i Afganistan,
- Partneri NATO-a u ISAF-u: naučene lekcije i perspektive tranzicije,
- Izazovi u vođenju države: planovi do 2014. i dalje,
- Može li Afganistan graditi održivu ekonomiju?

Uvodnim obraćanjima seminar su otvorili Menzies Campbell, šef UK delegacije u PSNATO-a, dr. Karl A. Lamers, predsjedavajući PSNATO-a, i William Hague, ministar vanjskih poslova UK.

Tokom prve sesije o temi: „**Afganistan 2011.-2014. Naučene lekcije i put naprijed**“ dr. Karl A. Lamers, predsjedavajući PSNATO-a, Zia Nezam, savjetnik u MVP Islamske Republike Afganistan, i ambasador Stephen Evans, pomoćnik generalnog sekretara NATO-a za operacije istakli su cilj održavanja seminaru i prezentirali su stanje u Afganistanu. Niz pokazatelja koje su posebno iznijeli gospoda Nezam i Evans slikovito su prikazali uspjehe, ali i brojne teškoće s kojima se susreće stanovništvo i vlasti Afganistana s jedne strane kao i međunarodna zajednica s druge strane.

Druga sesija o temi: „**Sigurnost: Kako osmisliti aktivnosti u procesu tranzicije**“ bila je fokusirana na sigurnosnu situaciju u Afganistanu koja je ocijenjena vrlo kompleksnom. Učesnicima seminaru se videolinkom obratio Lars Jensen, direktor operacija u Štabu NATO-ISAF operacija. Učesnici seminaru diskutirali su o nizu pitanja na koje je uz pomoć prisutnih eksperata i stručnjaka odgovore i sugestije dao i pojasnio Julio Miranda Calha, potpredsjednik PSNATO-a.

U trećoj sesiji o temi: „**Regionalna dimenzija i Afganistan**“ razgovaralo se o ulozi susjeda, posebno Pakistana, u ukupnoj političkoj i sigurnosnoj situaciji u Afganistanu. Kontradiktorno i sa dosta dijametralno suprotnih razmišljanja i pogleda razgovarano je o ovoj problematici. Predstavnici Islamske Republike Pakistan odbacili su sve primjedbe da Pakistan na bilo koji način otežava sadašnje sigurnosno i političko stanje u Afganistanu.

Četvrta sesija o temi: „**Partneri NATO-a u ISAF-u: naučene lekcije i perspektive tranzicije**“ bila je tema o kojoj je tokom rasprave bilo najviše saglasnosti. Naime, ocijenjeno je da je saradnja

partnera NATO-a na terenu dobra. Problema ima i oni su očigledni. Rješavaju se uspješno i nisu tema o kojoj se ne razgovara. Naprotiv, koalicioni saveznici svjesni su propusta i posebno će se u naredne tri godine fokusirati na njihovo otklanjanje. Ambasador Brenden Nelsen i pukovnik Mats Danielssen, bivši komandant kontigenta Švedske vojske u ISAF-u, govorili su o konkretnoj problematici i pojavama koje će biti breme za naredni period ako se ne budu riješili u Komandi ISAF-a.

U petoj sesiji o temi: „**Izazovi u vođenju države: planovi do 2014. i dalje**“

Težišno pitanje bilo je ko može voditi još uvijek duboko podijeljenu državu. Koje su to političke snage koje mogu u Afganistanu osigurati prosperitet i dugoročno stabilnu situaciju. Profesor Ali Jalali s Univerziteta Washington D.C. pozvao je predstavnike međunarodne zajednice da već sada razmišljaju kako dugotrajno pomoći Afganistanu da osigura političku stabilnost i koncept koji će moći osigurati vođenje države, saradnju sa susjedima i zemljama koje žele pomoći narodu Afganistana.

Tokom šeste sesije o temi: **Može li Afganistan graditi održivu ekonomiju?** Lindy Cameron, bivša šefica tima za rekonstrukciju u provinciji Helmand, izrazila je zabrinutost ekonomskom situacijom u Afganistanu. Resursi koje Afganistan ima teško je iskoristiti u sadašnjem okruženju. Pozvala je predstavnike NATO-a i drugih zemalja da pomognu ekonomiju Afganistana konkretnim projektima i da na teren šalju stručnjake sa iskustvom i opredjeljenjem da nema nerješivih pitanja.

Članovi Delegacije PSBiH nisu učestvovali u raspravama.

Delegacija PSBiH u PSNATO-a je, 22.11.2011., posjetila Ambasadu BiH u Ujedinjenom Kraljevstvu Velike Britanije i Sjeverne Irske. Tom prilikom su s Jadrankom Negodić, ambasadoricom BiH u UK, razgovarali o stanju bilateralnih odnosa dvije zemlje kao i o aktivnostima osoblja Ambasade BiH u UK.

Informaciju sastavio:

Željko Grubešić

PREDSJEDAVAJUĆI DELEGACIJE
dr. Milorad Živković

Dostaviti:

- Kolegiju Doma naroda
- Kolegiju Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Komisiji za vanjske poslove Predstavničkog doma
- Kolegiju Sekretarijata
- Kopija: Ministarstvu vanjskih poslova BiH